

Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-073-6/24**  
Datum: **12.4.2024. godine**

„Agencija za vodno područje rijeke Save“ Sarajevo rješavajući po zahtjevu „ZAH“ d.o.o. Bosanska Krupa, za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za površinsku obradu metala i galvanizaciju sa pratećim sadržajima, izgrađenog u ulici Dana nezavisnosti 25 u Bosanskoj Krupi, na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200 stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

### **RJEŠENJE** **o vodnoj dozvoli**

1. Daje se vodna dozvola pravnom licu „ZAH“ d.o.o. Bosanska Krupa, za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za površinsku obradu metala i galvanizaciju sa pratećim sadržajima, izgrađenog u ulici Dana nezavisnosti 25, na zemljištu označenom kao k.č. br. 14/154-3 i 14/154-5, K.O. Bosanska Krupa, grad Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Rješenje o vodnoj dozvoli se donosi na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
  - 3.1. Da korisnik predmetnog objekta za površinsku obradu metala i galvanizaciju sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
  - 3.2. Da u roku od **3 (tri) mjeseca**, korisnik, „ZAH“ d.o.o. Bosanska Krupa, izradi i reviduje, a do kraja važenja ovog rješenja i realizuje projektnu dokumentaciju (glavni projekt sa snimkom izvedenog stanja) tehničkog sistema za obradu metala i galvanizaciju sa aspekta upotrebe vode u tehnološkom sistemu, načina prikupljanja, tretmana te zbrinjavanja nusprodukta nastalog tehnološkim postupkom na lokaciji predmetnog objekta pogona za površinsku obradu metala i galvanizaciju sa pratećim sadržajima, imajući u vidu da je uređaj za tretman tehnoloških otpadnih voda, kao i svi radni procesi izuzev procesa glavanizacije, izmješten na lokaciju poslovne zone Pilana, u objekt koji je u vlasništvu podnosioca zahtjeva te činjenicu da podnosilac zahtjeva planira i radni proces glavanizacije preseliti u poslovni objekt na naprijed navedenoj lokaciji. Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12). Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) koja su bitna za konkretan slučaj, a naročito:
    - proračun količina tehnološke otpadne vode koja nastaje na prostoru pogona za galvanizaciju (voda za potrebe odmašćivanja elemenata i pranja posuda i izmjene tekućina korištenih u tehnološkom postupku), tehničko rješenje njihovog prečišćavanja sa svim potrebnim proračunima i tehničkim opisom u odnosu na postojeće stanje - zatvoreni sistem procesa prečišćavanja otpadnih voda, zbrinjavanje nusprodukta procesa prečišćavanja otpadnih voda. Budući je uređaj za tretman otpadnih voda premješten na lokaciju objekta u poslovnoj zoni Pilana, definirati način prikupljanja i transporta tehnoloških otpadnih voda do uređaja za tretman (objekt u poslovnoj zoni Pilana) te način povrata prečišćenih otpadnih voda u tehnološki postupak odmašćivanja elemenata, i slično;

- situativni prikaz objekta na lokaciji sa prikazom razvoda čiste vode kroz objekt u tehnološkom postupku te prikazom razvoda onečišćene vode do uređaja za tretman, odnosno prikaz povrata prečišćene vode u tehnološki proces;
  - situativni prikaz načina prikupljanja oborinskih voda koje nastaju u krugu privrednog društva te mjesta priključka na javni kanalizacioni sistem, kao i mjesto priključka ostalih otpadnih voda na javni kanalizacioni sistem;
  - situacioni prikaz izvedenog stanja internih saobraćajnih i manipulativnih površina sa oivičenjima te prikaz svih hidrotehničkih objekata na lokaciji. Za izradu istog je potrebno uraditi geodetski snimak postojećeg stanja na katastarskoj podlozi;
  - dati rješenje zatvorenog sistema prečišćavanja tehnoloških otpadnih voda, nastalih na prostoru pogona za galvanizaciju te način zbrinjavanja nastalog nusprodukta sa utvrđenim količinama galvanskog taloga, radi kontrole zbrinjavanja istog;
  - Dati prikaz dobave, skladištenja te upotrebe hemikalija za potrebe tehnološkog procesa sa načinom zbrinjavanja ambalaže;
  - definirati rok do kada se planira proces galvanizacije preseliti na lokaciju poslovne zone Pilana, a predmetni objekt staviti van upotrebe za sadašnju namjenu te definirati sve radnje koje treba provesti kako bi se izbjegli štetni uticaji na vode i okoliš prilikom prestanka rada predmetnih aktivnosti na predmetnoj lokaciji;
  - u projektu je potrebno definirati položaj objekta u odnosu na zone sanitarne zaštite izvorišta vode za piće, te sagledati sve moguće neželjene uticaje na objekt proizvodnog kompleksa i tih objekata na druge objekte i postrojenja, kako za vrijeme upotrebe tako i po prestanku rada istog, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično te dati prijedlog mjera sa tehničkim rješenjem za sprečavanje tih uticaja.
- 3.3. Da za vrijeme trajanja ove vodne dozvole korisnik predmetnog proizvodnog objekta obezbjeđuje potpunu ispravnost i funkcionalnost izgrađenog sistema za recirkulaciju (zatvoreni sistem), objekata za prikupljanje tehnoloških otpadnih voda (kanali), uređaja za tretman tehnoloških otpadnih voda te uređaja za povrat vode u tehnološki proces (transport otpadnih voda do uređaja te povrata prečišćene otpadne vode u proizvodni proces).
- 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.
- 3.6. Otpadno ulje (rabljeno ulje) i galvanski mulj prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje tehnološkog otpada i opasnog otpada.
- 3.7. Opasni materijal i otpad ne smije se ni privremeno odlagati na česticu «vodno dobro», odnosno u vodotok i na njegove obale.
- 3.8. Osigurati priručna sredstva za brzu intervenciju u slučaju nekontrolisanog istjecanja hemikalija, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.9. Ambalažu onečišćenu hemikalijama i slično zbrinjavati u skladu sa propisima o zaštiti okoliša. Sve otpadne materije privremeno skladištiti u odgovarajućim posudama i kontejnerima, koji onemogućuju prosipanje sadržaja i degradaciju tla.
- 3.10. Sanitarne otpadne vode iz sanitarnih prostorija zbrinjavati u skladu sa pribavljenim vodnim aktom za zahvatanje vode i ispuštanje sanitarnih otpadnih voda.
- 3.11. Oborinske onečišćene vode sa prostora internih saobraćajnih i parkirnih površina kao i nezagađene oborinske vode sa krovova objekata kompleksa ispuštati u kolektor javnog gradskog kanalizacionog sistema prema pribavljenom odobrenju od strane operatora istog.
- 3.12. Da se sa opasnim i štetnim materijama (hemikalije i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih, odnosno obezbijediti da eventualno prosute hemikalije ne mogu dospjeti izvan prostora objekta (izgradnjom AB tankvana za smještaj hemikalija, ili slično).

- 3.13. Osigurati potpunu funkcionalnost sistema za prikupljanje i transport tehnoloških otpadnih voda do postrojenja za tretman otpadnih voda, kao i transport prečišćenih voda (destilizovana voda) do mjesta za prijem istih u tehnološki proces.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  5. U periodu važenja ove dozvole, korisnik predmetnog kompleksa je dužan ispoštovati sve mjere i aktivnosti propisane istom.
  6. Ukoliko radom predmetnog pogona dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
  7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
  8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06 ) se daje sa rokom važenja od 1 (jedne) godine dana, od dana pravosnažnosti ovog rješenja.
  10. Ovo rješenje prestaje da važi ukoliko korisnik predmetnog objekta ne izvrši radnje predviđene tačkom 3.2. Rješenja, u definiranom roku.
  11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta
  12. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole. Ukoliko podnosilac zahtjeva, u međuvremenu prestane sa predmetnim aktivnostima na ovoj lokaciji, dužan je dostaviti zapisnik/rješenje nadležnog inspekcijskog tijela da je poduzeo sve neophodne radnje (definirane uvjetovanom projektnom dokumentacijom iz tačke 3.1. ovog rješenja) kako prestankom rada predmetnog pogona neće nastati onečišćenja voda i/ili tla.
  13. Uslov za izdavanje nove vodne dozvole je ispunjenje uslova iz tačke 3. dispozitiva ovog Rješenja i ako se ne izvrše radnje predviđene ovim vodnim aktom, produženje vodnog akta istekom važnosti ovog rješenja neće biti moguće.

### Obrazloženje

Pravno lice „ZAH“ d.o.o. Bosanska Krupa, obratilo se ovoj Agenciji dana 14.2.2024. godine zahtjevom broj 23/2024, a za aktivnosti koja može privremeno ili trajno degradirati kvalitet voda, odnosno poboljšanje njihovog postojećeg kvaliteta u postupku rada pogona za površinsku obradu metala i galvanizaciju, izgrađenog na zemljištu označenom kao k.č. br. 14/154-3 i 14/154-5, K.O. Bosanska Krupa, grad Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, Matični broj subjekta upisa: 1-2652-00, izdan od strane Općinskog suda u Bihaću dana 09.01.2024. godine (ovjerena kopija),
- Uvjerenje o registraciji poreznog obveznika, izdano dana 07.12.2021. godine, od strane Federalnog ministarstva financija – finansija, Porezne uprave F BiH, Kantonalnog poreznog ureda Bihać (ovjerena kopija),
- Uvjerenje o registraciji/upisu u Jedinstveni registar obveznika indirektnih poreza, izdano od strane Uprave za indirektno – neizravno oporezivanje Bosne i Hercegovine pod brojem 04/1-17-1-UPJR/1-8042-2/21, dana 13.12.2021. godine, u Banjaluci (ovjerena kopija),
- Nalog za plaćanje upravne pristojbe (kopija),
- Rješenje, kojim se izdaje okolinska dozvola privrednom društvu „ZAH“ d.o.o. Bosanska Krupa, za postrojenje za površinsku obradu i presvlačenje metala, kapaciteta 2 000 000 komada godišnje, sa sjedištem u ulici Dana nezavisnosti 25, Bosanska Krupa, na zemljištu označenom kao k.č. 14/154-3 i k.č. 14/154-5 K.O. Bosanska Krupa, izdano od strane Federalnog ministarstva okoliša i turizma pod brojem UPI 05/2-02-19-5-203/21 SC, dana 28.04.2022. godine, u Sarajevu (kopija),

- Rješenje, kojim se daje urbanistička saglasnost doo „ZAH“ iz Bosanske Krupe, za lociranje radioničke hale za minigalvanizaciju metala, na zemljištu označenom kao k.č. br. 14/154-3 k.o. Bos. Krupa, posjednika doo „ZAH“; izdano od strane Odjela za prostorno uređenje Službe za prostorno uređenje, imovinsko pravne, geodetske, katastarske i stambeno komunalne poslove Općine Bosanska Krupa pod brojem 04/23-2-1181-UP/02, dana 25.06.2002. godine,
- Rješenje, kojim se odobrava doo „ZAH“ iz Bos. Krupe ulica Dana nezavisnosti, da kao investitor može pristupiti izvođenju radova na izgradnji poslovnog objekta-radioničke hale za minigalvanizaciju metala u ulici Dana nezavisnosti u Bos. Krupi, na zemljištu označenom kao k.č. br. 14/154-13, k.o. Bos. Krupa, u posjedu investitora; izdano od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno-komunalne poslove i razvoj općine Bosanska Krupa pod brojem 04/23-1-2360-UP/02, dana 27.09.2002. godine (kopija),
- Rješenje, kojim se utvrđuje da su izvedeni radovi na izgradnji poslovnog objekta, radioničke hale za minigalvanizaciju metala u ulici Dana nezavisnosti u Bos. Krupi, na zemljištu označenom kao k.č. br. 14/154-13, k.o. Bos. Krupa, čiji je investitor doo „ZAH“ iz Bos. Krupe, izvršeni u skladu sa tehničkim normativima i standardima propisanim za ovu vrstu objekata i rješenju o odobrenju za građenje br. 04/23-1-2360-UP/020 od 27.09.2002. godine, te se isti kao tehnički ispravan MOŽE koristiti; izdano od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno-komunalne poslove i obnovu općine Bosanska Krupa pod brojem 04-UP-23-1-462/03, dana 29.05.2003. godine (kopija),
- Rješenje, kojim se daje urbanistička saglasnost doo „ZAH“ Bosanska Krupa iz Bosanske Krupe za dogradnju i nadzidiivanje proizvodne hale, na zemljištu označenom kao k.č. broj 14/154-5 K.O. Bos. Krupa, posjednika doo „ZAH“ Bos. Krupa; izdano od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno komunalne poslove i obnovu općine Bosanska Krupa pod brojem UP-I-04-23-2-294/04, dana 10.05.2004. godine (kopija),
- Rješenje, kojim se odobrava doo „ZAH“ iz Bosanske Krupe, da kao investitor može pristupiti izvođenju radova na dogradnji i nadzidiivanju proizvodne hale u ulici Dana nezavisnosti u Bos. Krupi, na zemljištu označenom kao k.č. br. 14/154-5, k.o. Bos. Krupa, u posjedu investitora; izdano od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno-komunalne poslove i obnovu općine Bosanska Krupa pod brojem UP-1-04-23-1-1327/04, dana 15.07.2004. godine (kopija),
- Rješenje, kojim se utvrđuje da su izvedeni radovi na dogradnji i nadzidiivanju proizvodne hale u ulici Dana nezavisnosti u Bos. Krupi, na zemljištu označenom kao k.č. br. 14/154-5, k.o. Bos. Krupa, čiji je investitor doo „ZAH“ iz Bos. Krupe, izvršeni u skladu sa tehničkim normativima i standardima propisanim za ovu vrstu objekata i rješenju o odobrenju za građenje br. UP-1-04-3-1-1327/04 od 15.07.2004. godine, te se isti kao tehnički ispravan MOŽE KORISTITI; izdano od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno-komunalne poslove i obnovu općine Bos. Krupa pod brojem UP-1-04-23-1-685/05, dana 18.03.2005. godina (kopija),
- Rješenje, kojim se konstatira da su ispunjeni uvjeti tehničke opremljenosti i zaštite na radu kao i drugi propisani uvjeti u poslovnoj prostoriji u Bosanskoj Krupi, ul. Dana nezavisnosti br. 25 u sastavu doo „ZAH“, za vršenje djelatnosti površinske obrade i presvlačenja metala (šifra dj. 28.5128.510); izdano od strane Službe za privredu općine Bosanska Krupa pod brojem UP-I-05-21-855/05, dana 30.03.2005. godine, u Bos. Krupi (kopija),
- Odobrenje za ispuštanje oborinskih voda sa krovova objekata kao i oborinskih voda sa prostora internih saobraćajnih i parkirnih površina u gradski kanalizacioni sistem, a u skladu sa dostavljenom dokumentacijom prema Projektu "Dogradnja i nadogradnja hale" urađenom od strane „A.S. Projekt“ Bihać od maja 2004. godine; izdano od strane JKP „10. JULI“ d.o.o. Bosanska Krupa pod brojem 560/17, dana 13.02.2017. godine (kopija),
- Ugovor br. 020-01/24 o sakupljanju, skladištenju i zbrinjavanju opasnog otpada; zaključen sa pravnim licem „KEMEKO – BH“ d.o.o. Lukavac, dana 11.01.2024. godine (kopija),
- Rješenje o vodnoj dozvoli, kojim se daje vodna dozvola pravnom licu „ZAH“ d.o.o. Bosanska Krupa, za aktivnost koja može povremeno ili trajno degradirati kvalitet voda ili omesti poboljšanje postojećeg kvaliteta u postupku rada pogona za površinsku obradu metala i galvanizaciju sa pratećim sadržajima, izgrađenog u Ulici Dana nezavisnosti 25, izgrađenog na zemljištu označenom kao k.č. broj: 14/154-3 i 14/154-5 k.o. Bosanska Krupa, općina Bosanska Krupa; izdano od strane Agencije za vodno područje rijeke Save pod brojem UP-I/25-3-40-670-6/18, dana 18.03.2019. godine (kopija),

- Popratni akt o dopuni zahtjeva broj 57/24 od 18.03.2024. godine,
- Zaključak o visini i roku za plaćanje posebnih troškova, izdan od strane Agencije za vodno područje rijeke Save pod brojem UP-1/21-3-40-073-3/24 dana 11.3.2024. godine, te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15), izvršen je pregled pogona za površinsku obradu metala i galvanizaciju sa pratećim sadržajima, izgrađenog u ulici Dana nezavisnosti broj 25, u Bosanskoj Krupi, investitora „ZAH“ d.o.o. Bosanska Krupa, i tom prilikom sačinjen zapisnik o uviđaju broj: UP-1/21-3-40-073-3/24, dana 11.3.2024. godine pri čemu je utvrđeno:

Objekat za površinsku obradu metala i galvanizaciju se sastoji od: - pogona za površinsku obradu metala sa prostorom za održavanje objekata (izmješten na lokaciju poslovne zone Pilana), - pogona za galvanizaciju, - pogona za smještaj uređaja za tretman tehnoloških otpadnih voda sa prostorom za skladištenje hemikalija i prostorom za skladištenje suhog galvanskog otpada (premješteno na lokaciju poslovne zone Pilana), objekta transformatorske stanice, kotlovnice, upravnih prostorija i unutarnjeg dvorišta – manipulativnih površina. Svi sadržaji su (bili) smješteni u jednom građevinskom objektu izvedenom oko centralnog dvorišta.

Tehnološki proces počinje dovozom sirovine (šipka od bakra, čelika, srebra, rostfraja, i sl., dužine 3-4 metra). Po dovozu, sirovina se skladišti na prostoru za smještaj sirovine, unutar proizvodne hale. Hemikalije se dovoze u zatvorenim bačvama i kanisterima i skladište na prostoru za skladištenje hemikalija.

Na prostoru pogona za površinsku obradu metala su se vršile radnje šljafanja i poliranja dijelova za autoindustriju. Nije se koristila voda u tehnološkom postupku, a tehnološki otpad se skladištio u kontejnere do konačnog zbrinjavanja kao reciklažnog materijala (premješteno na lokaciju poslovne zone Pilana). Na prostoru za održavanje objekta su bili smješteni tokarski stroj i glodalica za obradu metala za internu upotrebu, a u tehnološkom postupku za hlađenje se koristila emulzija. Podovi su izvedeni vodonepropusno i bez odvodnih slivnika u cilju sprečavanja oticanja eventualno prosutih emulzija (premješteno na lokaciju poslovne zone Pilana).

U pogonu za galvanizaciju se vrši obrada vrhova lemilica, postupak pripreme, odmaščivanja, nanošenja željeza i nikrokroma, te priprema i dorada proizvoda. Podovi i otvoreni kanali za prikupljanje tehnoloških otpadnih voda, nastalih pranjem posuda i izmjenom tekućina korištenih u tehnološkom postupku, izvedeni su vodonepropusno. Navedenim kanalima se nastale otpadne vode odvođe do uređaja za tretman tehnoloških otpadnih voda, u zasebnom prostoru (premješteno na lokaciju poslovne zone Pilana). Trenutno se vode prikupljaju u plastične bačve te se odvoze na lokaciju poslovne zone Pilana, gdje je premješten uređaj za tretman tehnoloških otpadnih voda.

U pogonu za tretman tehnoloških otpadnih voda se nalazio destilator za proizvodnju destilovane vode (VACUDEST 120 – H<sub>2</sub>O isparivač) i postrojenje za obradu otpadne vode (Veolia, Led Italia R 500v3). Otpadna voda iz proizvodnih pogona se putem vodonepropusnih kanala dovodila do navedenih postrojenja za tretman otpadnih voda, čiji je produkt destilovana voda i galvanski otpad. Galvanski otpad se pomoću filter presa zbija i skladišti u kontejnere, te finalno zbrinjava od strane ovlaštenog pravnog lica za zbrinjavanje opasnog otpada na ekološki prihvatljiv način. Prečišćena otpadna (destilovana) voda se vraća u tehnološki proces. Sve navedene radnje se odvijaju na novoj lokaciji, a zahtjevanom projektnom dokumentacijom treba definirati povrat destilovane vode sa lokacije novog objekta u poslovnoj zoni Pilana, u proizvodni proces, koji se odvija na predmetnoj lokaciji.

Podovi u prostorijama gdje je vršena hemijska obrada i tretman otpadnih tehnoloških voda su izvedeni vodonepropusno i bez slivnika, sa pragovima visine 15 cm, tako da se eventualno prosute hemikalije nisu mogle razliti u okoliš. Pogon za tokarenje i glodanje metala sa CNC mašinom je izmješten u novi objekt investitora na drugoj lokaciji.

Skladištenje suhog galvanskog otpada i metalnih strugotina se vršio u zasebnom prostoru, zajedno sa kompresorskom jedinicom, do odvoza od strane ovlaštenih pravnih lica (premješteno na novu lokaciju). Kompleks je opremljen i samostojećim objektom transformatorske jedinice montažnog tipa KBTS

10(20)/0,4 kV. Temeljna konstrukcija transformatorske jedinice je izvedena u obliku vodonepropusne tankvane zapremine veće od količine ulja u energetsom transformatoru. Na taj način se onemogućuje eventualno iscurenje transformatorskog ulja u okoliš.

Sanitarne otpadne vode iz objekta upravne zgrade su kanalizacionim cijevima sprovedene do ispusta u kolektor gradske kanalizacione mreže.

Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u kolektor gradske kanalizacione mreže.

Tehnološke otpadne vode se po završenom postupku prečišćavanja u vidu destilovane vode vraćaju u tehnološki proces, a produkt prečišćavanja – galvanski otpad se zbrinjava od strane ovlaštenog pravnog lica što treba definirati traženom projektnom dokumentacijom iz tačke 3.1. Rješenja. Do momenta izvršenja terenskog uviđaja nije vršeno mjerenje kvaliteta otpadnih tehnoloških voda, jer investitor primjenjuje zatvoreni sistem prečišćavanja tehnoloških otpadnih voda. Objekt je priključen na javni gradski vodovodni sistem za potrebe sanitarne vode i vode za protivpožarnu zaštitu.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije i Pravilnika o sadržaju, obliku, uslovima i načinu izdavanja i čuvanja vodnih akata, propisani uslovi kojih se korisnik pogona ima pridržavati.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu. Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98, 8/00, 45/10 i 45/13 ).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

**Po ovlaštenju**  
**Rukovodilac sektora za**  
**izdavanje vodnih akata**



**Haris Ališehović, dipl. inž. građ.**

#### **Dostaviti:**

- „ZAH” d.o.o. Bosanska krupa, Dana nezavisnosti 25, 77 240 Bosanska Krupa
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča-AVP Sava